



KOMUNIKADO PA PRENSA

Fecha

18 di sèptèmber 2018

Persona di kontakto

Email

Ministerio di Tráfiko, Transporte i Planifikashon Urbano (VVRP) a sinta na mesa ku parke tropikal.

Willemstad – Resientemente direktor di Curacao Zoo & Botanical Garden (Parke Tropikal), señor Bert Isenia a ekspresá su mes, pa via di diferente medio di komunikashon, di un forma fuerte kontra di e atenshon risibí serka departamentonan di Ministerio di Tráfiko, Transporte i Planifikashon Urbano (VVRP).

Despues di a kondusí un investigashon interno, representantenan di Servisio di Maneho di Tereno (Domeinbeheer) huntu ku representantenan di Ministerio di Salu, Medio Ambiente i Naturalesa, a aserka señor Isenia pa asina tende di dje kiko ta su prekupashon di un forma ofisial.

Durante e kombersashon a bini diferente punto dilanti, esakinan ta entre otro e echo ku

- E área rondó di Parke tropikal ta un área ku tin diferente dam, kual pa diferente motibu no ta funshonando manera debe ser. Esaki ta pone ku na momentu ku hopi awa kai e awa ta bin terminá den Parke Tropikal.
- Parke Tropikal tin un “beheersovereenkomst” ku Gobiernu ya di basta tempu, kual no ta indiká bon kla kua ta ‘grens’ di nan tereno. Esaki ta stroba e parke pa yega na sierto pèrmitnan ku ta nesesario pa sigui desaroyá.
- Parke Tropikal for di aña 2011 a bin ta aserka Gobièrnunan di turno ku entre otro e puntonan ariba menshoná sin por a yega na un solushon.

E kombersashon aki a finalisá kaminda partidonan a hasi palabrashonnan pa asina yega na solushonnan nesesario riba tèrmino kòrtiku. A palabra ku organisashonnan konserní lo hasi ehersisionan nesesario pa asina por definí ‘grens’ di e tereno di Parke Tropikal. Tambe lo aserka un eksperto pa asina analisá e sistema di dam den e área i bini ku rekomendashonnan pa asina remediá e situashon na momentu di hopi yobida. Despues di atendé e puntonan ariba menshoná kual e keda identifiká komo esnan di mas urgensia Gobièrnu huntu ku Parke Tropikal lo sigui atendé demas puntonan ku a keda trese dilanti den e kombersashon.

Minister di Tráfiko, Transporte i Planifikashon Urbano señora Zita Jesus-Leito ta lamentá ku e asuntu aki a tuma asina tantu tempu i ta di opinion ku e palabrashonnan hasi mester por sòru pa yega na un solushon rápidamente.



KOMUNIKADO PA PRENSA

Fecha

18 di sèptèmber 2018

Persona di kontakto

Email